

რეკომენდაცია 1857 (2009)¹

საქართველოსა და რუსეთს შორის ომის ჰუმანიტარული შედეგები

1. საპარლამენტო ასამბლეა ევრდნობა მის რეზოლუციას 1648 (2009) საქართველოსა და რუსეთს შორის ომის ჰუმანიტარული შედეგების შესახებ.

2. ის დარწმუნებულია, რომ საერთაშორისო თანამეგობრობას ენიჭება მნიშვნელოვანი როლი სამხრეთ ოსეთისა და აფხაზეთში ადამიანის უფლებებისა და ჰუმანიტარული სამართლის ხელშეწყობასა და დაცვაში. ის დარწმუნებულია, რომ ევროპის საბჭოს უნდა მიენიჭოს როლი ამ რეგიონში ადამიანის უფლებათა დაცვის საქმეში, საქართველოს ტერიტორიული მთლიანობისათვის რაიმე ზიანის მიყენების გარეშე.

3. შესაბამისად, ასამბლეის რეკომენდაციით, მინისტრთა კომიტეტმა უნდა: განაგრძოს თანამშრომლობა გაეროსთან, ევროკავშირთან, ეუთოსთან და სხვა საერთაშორისო სუბიექტებთან;

გაუწიოს დახმარება ევროკავშირის სამეთვალყურეო მისიის წევრებს ადამიანის უფლებათა სამართლის სფეროში წვრთნის საკითხში;

დაუყოვნებლივ შეაფასოს, გაეროსთან ერთად, თუ რა გზებით შეუძლია მას საქართველოში გაეროს მისიის საქმიანობის ხელშეწყობა, მათ შორის, საქართველოში გაეროს ამჟამინდელი სამეთვალყურეო მისიის (UNOMIG) ევროპის საბჭოს შესაძლო დასწრებით ჩანაცვლების საკითხი;

უზრუნველყოს ევროპის საბჭოს ადამიანის უფლებათა კომისიის მიერ ადამიანის უფლებათა და ჰუმანიტარული უსაფრთხოების გადაუდებელი დაცვისათვის შემუშავებული ექვსი პრინციპის განხორციელების მხარდაჭერა და დაფინანსება.

4. ასამბლეის რეკომენდაციით, ასევე, მინისტრთა კომიტეტმა უნდა ჩააბას ევროპის საბჭოს შესაბამისი უწყებები, რათა მათ:

უზრუნველყონ ადგილობრივი ხელისუფლებისა და სამართალდამცავი სისტემის თანამშრომელთა წვრთნა ადამიანის უფლებათა დაცვის სფეროში ცნობიერების ასამაღლებლად, ისევე როგორც იძულებით გადაადგილებულთა² განსაკუთრებულ ეკონომიკურ, სოციალურ, კულტურულ და ფსიქოლოგიურ საჭიროებათა საკითხებში, თანახმად მინისტრთა კომიტეტის Rec (2006) 6 რეკომენდაციისა და გაეროს სახელმძღვანელო პრინციპებისა იძულებით

¹ საპარლამენტო ასამბლეის 2009 წლის 28 იანვარს გამართული დებატები (მე-5 და მე-6 სხდომები) (იხ. [დოკ. 11789](#), მოგზაურობის, ლტოლვილთა და მოსახლეობის კომიტეტი, მომხსენებელი: ქ-ნი იონკერი). დოკუმენტი ასამბლეამ მიიღო 2009 წლის 28 იანვარს (მე-6 სხდომა).

გადაადგილებულ პირთა შესახებ და გაეროს სათანადო უფლებამოსილების მქონე თუ სხვა ორგანიზაციებთან თანამშრომლობით.

შეისწავლონ ეროვნულ და ადგილობრივ დონეზე საქართველოს სამთავრობო ოფიციალურ პირთა წვრთნის შესაძლებლობა, საერთაშორისო შემწეობისა და დახმარების ხარჯვისა და აღრიცხვის გამჭვირვალობისთვის.

უზრუნველყონ არასამთავრობო ორგანიზაციათა წვრთნა ცენტრალური და ადგილობრივი ხელისუფლების ორგანოთა მიერ განკარგული შემწეობისა და დახმარების ხარჯვის მეთვალყურეობის საქმეში.

4.4 ორგანიზება გაუწიონ მრავალმხრივ შესვენებას სამთავრობო ოფიციალურ პირთათვის, რომლებიც მუშაობენ იძულებით გადაადგილებულ პირთა საკითხებზე, რაც მისცემს მათ შესაძლებლობას, შეიტყონ, თუ როგორ ხდება მსგავსი საკითხების გადაწყვეტა სხვა სახელმწიფოებში.

ორგანიზება გაუწიონ მრავალმხრივ შესვენებას არასამთავრობო ორგანიზაციებისთვის, რომელთა სპეციალობას წარმოადგენს იძულებით გადაადგილებულ პირებთან დაკავშირებული საკითხები, რაც მისცემს მათ შესაძლებლობას, დაეუფლონ ურთიერთგანსწავლებულ გამოცდილებას.